

宋
名
家
詞

西樵語業

目錄

水調歌頭 七調

滿江紅 四調

瑞鶴仙 一調

賀新郎 二調

念奴嬌 二調

洞仙歌 二調

鵲橋仙 二調

蝶戀花 三調

千秋歲 一調

玉人歌 一調

點絳脣 二調

秦樓月 一調

浣溪沙

二調

桃源憶故人

一調

踏莎行

一調

減字木蘭花

一調

生查子

柳巷寄

一調

相見歡

一調

訴衷情

一調

西樵語業目錄

終

西樵語業

廬陵 楊 炎正 濟翁

水調歌頭

登多景樓

寒眼亂空闊客意不勝秋強呼斗酒發興特上
最高樓舒卷江山圖画應禽龍魚悲嘯不暇顧
詩愁風露巧欺客分冷入衣裘 忽醒然成感
慨望神州可憐報國無路空白一分頭都把平
生意氣只做如今顛顛歲晚若爲謀此意仗江

西樵語業

汲古閣

月分付與沙鷗

又

呈辛
隆興

杖屨覓春色行遍大江西訪花問柳都自無語
欲成蹊不道七州三壘今歲五風十雨全是太
平時征轡晚蔡月漁釣夜垂絲 詩書帥坐圍
玉塵揮犀與方不淺領袖風月過花期只恐梅
梢青子已露調羹消息金鼎待公歸回首滕王
閣空對落霞飛

又送張使君

父老一盃酒爭勸使君留可憐桃李千樹無語
送歸舟聽得拈笙玉指都把萬家遺愛吹作許
離愁倚醉袖紅溼生怕夕陽流問君侯今幾
日到東州還家時候次第梅已暗香浮只恐道
間驛使先寄調羹消息歸去總無由鼎鉉功名
了徐赴赤松遊

又

呈趙總領

西樵語業

二

汲古閣

買得一航月醉臥出長安平堤千里過盡楊柳
綠陰間依約曉鶯啼處認得南徐風物客夢恍
驚殘重到舊遊所如把面圖看 英雄事千古
意一凭闌惜今老矣無復健筆寫江山天上人
間知己賴有使星郎宿照映此塵寰準擬五湖
去爲乞釣漁竿

又

把酒對斜日無語問西風胭脂何事都做顏色

染芙蓉放眼算江千頃中有離愁萬斛無處落
征鴻天在關千角人倚醉醒中 千萬里江南
北淞西東吾生如寄尚想三徑菊花發誰是中
州豪傑借我五湖舟楫去作釣魚翁故國且回
首此意莫匆匆

又

一笛起城角吹破小梅愁東風猶未誰遣春信
到吾州聞得東來千騎鼓舞兒童竹馬和氣與

空浮桃李未陰處準擬種千頭
今太守宋人
物晉風流政成談笑不妨高興在
南樓只恐蓬萊仙伯合侍玉皇香案
難作寇恂畱約住紫泥
認憑賦且優游

又

踏碎九街月
棄醉出京華
半生湖海誰念今日
老還家
獨把瓦盆盛酒
自與漁樵分席說尹政
聲佳竹馬望塵去
倦客亦隨車
聽薰風清曉

角韻梅花人家十萬說盡炎熱與咨嗟只恐棠
陰未滿已有楓宸趣召歸路不容遮回首江邊
柳空著舊棲鴉

滿江紅

春入臺門又見染柳絲新綠對此景一年爲壽
一番添福莫怪鳳池頒詔晚要教淮水恩波足
聽邊民千歲頌聲中重重祝 堂萱茂庭芝馥
歌倚扇盃持玉共勸君一醉滿斟醽醁今夜東

風吹酒醒明朝萬里騎黃鵠向九霞光裏望宸
輝看除目

又

筆染相思暗題盡朱門白壁動離思春生遠岸
煙銷殘日楊柳結成羅帶恨海棠染就胭脂色
想深情幽怨繡屏間雙鷓鴣春水綠春山碧
花有恨酒無力對一奩愁思九分孤寂寸寸錦
腸渾欲斷盈盈玉淚應偷滴倩東風吹雁過江

南傳消息

又

壽稼軒

壽酒如澗拚一醉勸君休惜君不記濟河津畔
當年今夕萬丈文章光焰裏一星飛墮從南極
便御風乘輿入京華班卿棘君不是長唐白
又不是嚴陵客只應是明主夢中良粥好把袖
間經濟手如今去補天西北等瑤池侍宴夜歸
時騎箕翼

又

典盡春衣也應是京華倦客都不記麴塵香霧
西湖南陌兒女別時和淚拜牽衣曾問歸時節
到歸來稚子已成陰空頭白功名事雲霄隔
英雄伴東南拆對雞豚社酒依然鄉國三徑不
成陶令隱一區未有楊雄宅問漁樵學作老生
涯從今日

瑞鶴仙

元夕爲王
使君賦

風光開舊眼正梅雪初消柳絲新染樓臺競裝
點照金荷十里珠簾齊捲湘絃楚管動香風旌
旗影轉望雲間一點台星飛下洞天清晚 爭
看袖紅圍坐舞翠回春笑歌生暝歡聲正遠嬉
遊意未容嬾恐絲綸趣召清都仙伯歸去朝天
夜半倩邦人挽取鰲頭醉扶玉腕

賀新郎

十日狂風雨掃園林紅香萬點送春歸去獨有

荼蘼開未到留得一分春住早揚柳趁晴飛絮
可奈暝埃欺畫永試薄羅衫子輕如霧驚舊恨
到睂宇東風臺榭知何處問燕鶯如今尚有
春光幾許可殺一年遊賞倦放得無情露醕爲
喚取扇歌裙舞乞得風光還兩眼待爲君滿把
金盃舉扶醉玉伴揮塵

又

寄辛潭州

夢裏驂鸞馭望蓬萊不遠翩然被風吹去吹到

楚樓煙月上不記人間何處但疑是蓬壺別所
縹緲霓裳天女隊奉一仙滿把流霞舉如喚我
醉中舞 醉醒夢覺知何許問瀟湘今日誰與
主盟樽俎無限青春難老意擬倩管絃寄與待
新築沙堤穩步萬里雲霄都歷徧却依前流水
桃源路畱此筆爲君賦

念奴嬌

漢天雲靜望一星飛過湘南湘北當是郴山猿

鶴夢喚起日邊消息羽扇綸巾浩然蔡興此意
無人識扁舟千里但聞清夜橫笛 記得天上
人間去年今日曾作稱鷓客明月風煙依舊似
只覺蓬萊懸隔夏恐明朝韶黃飛下趣駕冲霄
翼袞衣劔履望公長在南極

又

杏花楊柳對東風染盡一年春色彈壓煙光三
萬頃誰識清都仙伯夜泛銀潢手移星緯飛墮

從天闕御風乘興偶然身到鄉國 二年入樂
昇平舞臺歌榭處處紅牙拍壽酒千觴斟不盡
一醉何妨今夕更約明年鳳皇池上去作稱觴
客梅花折得贈君調鼎消息

洞仙歌

芙蓉開了春未江梅透小小東風弄晴晝把萬
家和氣吹入笙歌爐熏裏都與慈闈做壽 黃
堂今日貴白著萊衣捧勸金船十分酒願從今

江海上日日韶華桃李逕總爲人間種就但看
取天邊老人星有一點台星共光南斗

又

壽稼軒

帶湖佳處髣髴真蓬島曾對金樽伴芳草見桃
花流水別是春風笙歌裏誰信東君會老 功
名都莫問總是神仙買斷風光鎮長好但如今
經國手袖裏偷閑天不管怎得關河事了待貌
取精神上凌煙却旋買扁舟歸來聞早

鵲橋仙

息婦時節乍寒天氣總是離人愁緒夜來無奈
被西風夏吹做一簾秋雨 征衫拂淚闌干倚
醉羞對黃花無語寄書除是雁來時又只恐書
成雁去

又壽稼軒

築成臺榭種成花柳夏又教成歌舞不知誰爲
帶湖仙收拾盡壺天風露 閑中得味酒中得

趣只恐天還也妬青山縱買萬千重遮不斷詔
書來路

蝶戀花

別范南伯

離恨做成春夜雨添得春江剗地東流去弱柳
繫船都不住爲君愁絕聽鳴鶻君到南徐芳
艸渡想得尋春依舊當年路後夜獨憐回首處
亂山遮隔無重數

又

孫軒坐間作首句
川丘六書中語

點檢笙歌多釀酒不放東風獨自迷楊柳院院
翠陰停永晝曲欄隨處堪垂手 昨日解醒今
夕又消得情懷長被春僂僂門外馬嘶人去後
亂紅不管花消瘦

又

萬點飛花愁似雨峭殺輕寒不會畱春住滿地
亂紅風埽聚只教燕子脚將去 獨倚闌干閑
自覩深院無人行到無情處簾外絲絲楊柳舞

又還裝點人情緒

千秋歲

代人
爲辭

五雲縹緲朝退金門曉
歸未穩傳宣到龍樓陪
夕宴鳳沼吟春草
人間世誰知自有蓬萊島

一盃宜勸了換得天顏笑
人不老春長好從今
千百歲總是中書考
瑤池會金盤剗薦安期棗

玉人歌

風西起又老盡籬花
寒輕香細漫題紅葉句裏

意誰會長天不恨江南遠苦恨無書寄最相忠
盤橘千枚膾鱸十尾鴻雁阻歸計算愁滿離
腸十分豈止倦倚闌干顧影在天際凌煙圖畫
青山約總是浮生事判從今買取朝醒夕醉

點絳脣

邂逅開尊眼中有個人纖軟袖羅輕轉玉腕回
春煥韻處無多只惱人腸斷詞將半近前相
勸撲撲清香滿

又

送別洪
相之

水載離懷暮帆吹月寒欺酒楚梅春透忍放持
盃手 莫唱陽關免溼盈盈袖君行後邨人消
瘦不惱詩腸否

秦樓月

東風寂垂楊舞困春無力春無力落紅不管杏
花狼籍 斷腸芳艸萋萋碧新來怪底相思極
相思極冷煙池館又將寒食

浣溪沙

楊柳籠煙裊嫩黃
桃花蘸水染紅香
薄羅衫子日初長
飲盡東風三百盞
醉來愁斷幾回腸
教人獨自遣風光

又

三逕閑情傲落霞
五湖高與不浮家
自斟北斗浸丹砂
閑把胃中千澗壑
撰成醉處一生涯
雪樓風月篆崗花

桃源憶故人

尊前未語眉先皺，只把橫波斜溜。此意問春知，
否蝶困蜂兒瘦。 隄暎叫丁些來酒，越會把人
儂恁有箇約伊時候，夢裏來相就。

踏莎行

宿鷺棲身飛鴻點，淚不堪，夏是重陽到一襟無
處著淒涼。倚欄看盡斜陽倒。 瘦減難豐，悲傷
易老。淡觴消得黃花笑。画眉人去玉篔存，濃愁

如黛憑誰埽

減字木蘭花

月明如畫占斷小樓
僕把酒入眼人人如月
精神夏有情大家休睡
畱到天明和月醉生怕
醒來月到波心憶酒媒

生查子

金蓮照夜紅玉腕扶春
碧曲妙過雲行人好欺
花色歡生酒面濃笑染
爐香溼飲盡十玻璃

西樵語業

汲古閣

月墮東方白

柳梢青

生紫衫兒影金領子著得偏宜步穩金蓮香黛
紈扇舞轉花枝 捧盃夏著睇膜唱一箇新行
耍詞玉骨冰肌好天良夜怎不憐伊

相見歡

江湖萬里征鴻再相逢多少風煙摸在笑談中
歌裙醉羅巾淚別愁濃瘦減腰圍不礙帶金

重

訴衷情

露珠點點欲團霜
分冷與紗窗
錦書不到腸斷
煙水隔茫茫
征燕盡塞鴻翔
盼風檣
闌干曲處
又是一番倚盡斜陽

楊濟翁廬陵人也西樵乃清海府城西山名相去數百里或曰曾詠寓于此因以名集今志無傳但其語業一卷俊逸可喜不作妖艷情態雖非詞家能品其品之

問：可想見云湖南毛晉識

西樵語業

終

竹屋癡語

目錄

齊天樂

三調

玉樓春

四調

玉蝴蝶

一調

臨江仙

二調

金人捧露盤

三調

鳳栖梧

三調

賀新郎

一調

喜遷鶯

二調

菩薩蠻

六調

青玉案

一調

醉落魄

一調

夜合花

一調

花心動 一調

昭君怨 一調

杏花天 四調

祝英臺近 二調

江城子 一調

生查子 六調

解連環 二調

燭影搖紅 一調

憶秦娥 二調

清平樂 二調

更漏子 一調

東風第一枝 二調

山花子 一調

浣溪沙 五調

蘭陵王 二調

水龍吟 三調

聲聲慢

一調

隔浦蓮

一調

思佳客

六調

永遇樂

一調

玲瓏四犯

一調

御街行

二調

霜天曉角

三調

眼兒嬌

一調

卜算子

一調

西江月

一調

點絳脣

二調

踏莎行

二調

戀繡衾

一調

風入松

二調

南鄉子

一調

洞仙歌

一調

柳梢青 一調

少年遊 一調

訴衷情 一調

夜行船 一調

滿江紅 一調

酌江月 一調

謁金門 一調

畱春令 四調

太常引 一調

浪淘沙 一調

意難忘 一調

雨中花慢 一調

八歸 一調

瑞鶴仙 一調

竹屋癡語目錄 終

竹屋癡語

宋 高觀國

齊天樂

碧雲闕處無多雨，愁與去帆俱遠。
倒葦沙閑，枯蘭砌冷，寥落寒江秋晚。
樓陰縱覽，正魂怯清吟，病多依黯。
怕暝西風，袖羅香自去年減。
風流江左，久客舊遊，得意處朱簾曾捲。
載酒春情吹簫夜，約猶憶玉嬌香臉。
塵樓故苑，嘆璧月空簷。

竹屋癡語

汲古閣

夢雲飛觀送絕征鴻楚峰煙數點

又菊

叢幽一笑東籬曉霜華又隨香冷暈色黃嬌低
枝翠婉來趁登高佳景誰偏管領是彭澤歸來
未荒三徑最悵清觴道家標致自風韻南山
依舊翠倚採花無限思西風吹醒萬蕊金寒三
秋夢好曾記餐英清詠關斑淚沁怕節去蜂愁
雨荒煙暝明日重陽爲誰簪短鬢

又

中秋夜
懷梅溪

晚雲知有關山念澄霄捲開清霽素景分中冰
盤正溢何管嬋娟千里危欄靜倚正玉筯吹涼
翠觴留醉記約清吟錦袍初喚醉魂起孤光
天地共影浩歌誰與舞淒涼風味古驛煙寒幽
垣夢冷應念秦樓十二歸心對此想斗插天南
雁橫遼水試問姮娥有愁能爲寄

時刻或于孤
光天地共影

下分
段非

竹屋癡語

二

汲古閣

玉樓春

擬宮詞

幾雙海燕來金屋香滿離宮三十六春風剪草
碧纖纖春雨浥花紅撲撲 衛姬鄭女腰如束
齊唱陽春新製曲曲終移宴起笙簫花下晚寒
生翠縠

又

海棠題實
卷掛軸

胭脂染出春風錦生怕黃昏人有恨雨難揩淚
玉環嬌煙不遮愁紅袖冷 醉魂吹斷香魂靜

拂拂翠眉羞帶粉最怜新燕識風流只爲春寒
消瘦損

又

春思

多時不踏章臺路依舊東風芳草渡鶯聲喚起
水邊情日影炙開花上霧謝娘不信佳期誤
認得馬嘶迎繡戶今宵翠被不春寒只恐香穠
春又去

又

憶舊

竹屋癡語

三

汲古閣

春煙澹澹生春水曾記芳洲
蘭棹艤岸花香到舞衣邊
汀草色分歌扇底棹沉雲
去情千里愁壓雙鴛飛不起
十年春事十年心怕說濺裙
當日事

玉蝴蝶 秋思。時刻不載

喚起一襟涼思未成晚雨
先做秋陰楚客悲殘誰解
此意登臨古臺荒斷霞斜
照新夢黯微月疎砧總難
禁盡將幽恨分付孤斟從
今倦看

青鏡既遲勛業可負煙林斷梗無憑歲華搖落
又驚心想尊汀水雲愁凝閒蕙帳猿鶴悲吟信
沉沉故園歸計休更侵尋

臨江仙

東越道中

俱是洛陽年少客才華迥出天真青衫慣拂軟
紅塵酒狂因月舞詩俊爲梅新寄語長安風
月道鸚花緩作青春披風沐露問前津客中春
不當歸去倍還人

又

風月生來人世夢，魂飛墮仙津。
青春日日醉芳塵，一鞭花陌曉。
雙槳柳橋春，前度詩留醉袖。
昨宵香灑羅巾，小姬飛燕，
是前身歌隨流水咽。
眉學遠山顰。

金人捧露盤

水仙花

夢湘雲吟湘月，吊湘靈。
有誰見羅襪塵生，凌波步弱，背人羞整六銖輕。
娉妙裊裊，鬢嬌黃土色。

輕明 香心靜波心冷琴心怨客心驚怕珮解
却返瑤京盃擎清露醉春蘭友與梅兄蒼煙萬
頃斷腸是雪冷江清

又

梅

念瑤姬翻瑤珮下瑤池冷香夢吹上南枝羅浮
夢杳憶曾清曉見仙姿天寒翠袖可憐是倚竹
依依 溪痕淺雪痕凍月痕淡粉痕微江樓怨
一笛休吹芳信待寄玉堂煙驛雨淒遶新愁萬

竹塵凝詔

五

汲古閣

斛爲春瘦却怕春知

又

楚宮閒金成屋玉爲欄斷雲夢容易驚殘驪歌
幾疊至今愁思怯陽關清音恨阻抱哀箏知爲
誰憐 年華晚月華冷霜華重鬢華斑也須念
閒損雌鞍斜緘小字錦江三十六鱗寒此情天
闕正梅信笛裏關山

鳳栖梧

雲喚陰來鳩喚雨謝了江梅可踏江頭路拚却
一番花信阻不成日日春寒去 見說東風桃
葉渡岸隔青山依舊修眉婦歸雁不如爭上柱
一行常見相思苦

又

題岩室

巖室歸來非待聘渺渺千崖漠漠江千頃明月
清風休弄影只愁踏破蒼苔徑 摘取香芝醫
鶴病正要羸仙相伴清閒性朝市不聞心耳靜

一聲長嘯煙霞冷

又

湖頭卽席
長翁同賦

西子湖邊睂翠嫵
魂冷孤山誰是風煙主
相喚吟詩天欲雨
嫩涼不隔鷗飛處
移下天孫雲錦渚
翠蓋牽風綽約凌波女
清約已成君記取
月明夜半魚龍舞

賀新郎

賦
梅

月冷霜袍擁見一枝年華又晚粉愁香凍雲隔

溪橋人不度的。驟春心未縱，清影怕寒波搖動。
更沒纖毫塵俗態，倚高情、預得春風寵。沉凍蝶
挂么鳳。一盃正娶吳姬捧。想見那柔酥弄白
暗香偷送。回首羅浮，今在否、寂莫煙迷翠壠。
人爭奈、桓伊三弄，開遍西湖春意爛。算羣花正作
江山夢。吟思怯、算雲重。

喜遷鶯

代人吊西湖歌者

歌音淒怨。是幾度、訴春春都不管。感綠驚紅，

煙啼月長是爲春消黯玉骨瘦無一把粉淚愁
多千點可憐損任塵侵粉蠹舞裙歌扇轉盼
塵夢斷峽裏雲歸空想春風面燕子樓空玉臺
粧冷湖外翠峰眉淺綺陌斷魂名在寶篋返魂
香遠此情苦問落花流水何時重見

又

秋懷

涼雲歸去再約著晚來西樓風雨水靜簾陰鷗
閒菰影秋到露汀煙浦試省喚回幽恨盡是愁

邊新句倦登眺動悲涼還在殘蟬吟處 淒楚
空見說香鎖霧縠心似秋蓮苦寶瑟彈冰玉臺
窺月淺淡可怜偷聚幾時翠溥題葉無復繡簾
吹絮鬢華晚念庾郎情在風流誰與

菩薩蠻

春思

春風吹綠湖邊草春光依舊湖邊道玉勒錦障
泥少年遊冶時 煙明花似繡且醉旗亭酒斜
日照花西歸鴉花外啼

又

蘇堤
芙蓉

紅雲半壓秋波碧
豔粧泣露嬌啼色
佳夢入仙城
風流石曼卿
宮袍呼醉醒
休捲西風錦
明日粉香殘
六橋煙水寒

又

水晶
磨

玉鱗燄出香凝軟
并刀斷處冰絲顛
紅縷間堆盤
輕明相映寒
纖柔分勸處
膩滑難停筯
一洗醉魂清真成
醒酒冰

又

玉欄秋色知誰主
隔欄一架蒲萄雨
綠蘚怕啼螿
可堪宮漏長
烏絲吟古怨
清淚消塵硯
夢冷不成雲
口峯峯外情

又

中秋

何須急管吹雲暝
高寒灑灑開金餅
今夕不登樓
一年空過秋
桂花香霧冷
梧葉西風影
客醉倚河橋
清光愁玉簫

又詠雙心
水仙

雲嬌雲嫩羞相倚
凌波共酌春風醉
的皜玉臺
寒肯教金釵單
只疑雙蝶夢翠袖
和香擁香
外有鴛鴦風流煙水鄉

青玉案

平生似欠西湖債
每拚了金貂解
嫵媚煙雲多
變態雕鞍來處
画船歸去花柳春風隘
玉京
相接蓬壺界
入画遙山翠
分黛蘇小不來時節

改一堤風月六橋煙水鷺約鷗盟在

醉落魄

鈎簾翠溼寒江上雨晴風急亂峰低處
暎殘日雁字成行界破暮天碧
故人天外長爲客倚欄一望情何極
新來得個歸消息去棹回舟數
過幾千隻

夜合花

斑駁雲開濛濛雨過海棠花外寒輕
湖山翠暎

東風正要新晴又喚醒舊遊情記年時今日清
明隔花陰殘香隨笑語特地逢迎 人生好景
難并依舊秋千巷陌花月蓬瀛春衫抖擻餘香
半染芳塵念嫩約杳難憑被幾聲啼鳥驚心一
庭芳草危欄晚日無限消凝

花心動

梅意

碧蘚封枝點寒英疎疎玉清冰溼夢憶舊家春
與新恩曾映壽陽粧額綠魂青袂南隣伴應怪

我精神都別恨衰晚春風意思頓成羞怯 猶
念橫斜性格惱和靖吟魂自來清絕斜傍勁松
偷倚修篁總是歲寒相識綠陰結子當時意到
如今芳心銷歇小橋夜清愁倦陪澹月

昭君怨

題春波
獨戴圖

一棹莫愁煙艇飛破玉壺清影水濺粉消寒綯
雲鬟不肯凌波微步却載春愁歸去風澹楚
魂驚隔瑤京

竹屋聽語

汲古閣

杏花天

春愁

霽煙消處寒猶嫩
乍門巷惜惜畫永池塘芳草
魂初醒秀句吟春未穩
仙源阻春風瘦損又
燕子來無芳信小桃也自知人恨
滿面羞紅難問

又

遠山學得脩眉翠
看眉展春愁無際雨痕半溼
東風外不管梨花有淚
西園路青鞵暗記怕

行入秋千徑裏一春多少相思意說與新來燕子

又題杏花春禽
扇面挂軸

花凝露溼胭脂透是綵筆丹青染就粉綃怕入
班姬手舒卷清寒時候春禽靜來窺晴晝閒
冷落芳心知否不愁院宇東風驟日日嬌紅如
舊

又杏花
花

玉壇消息春寒淺露紅玉嬌生靚豔小怜鬢溼
胭脂染只隔粉墻相見花陰外故宮夢遠想
未識鸚鵡燕燕飄零翠徑紅千點桃李春風已
晚

祝英臺近

荷花

擁紅粧翻翠蓋花影暗南浦波面澄霞蘭艇採
香去有人水濺紅裙相招晚醉正月上涼生風
露兩凝佇別後歌斷雲間嬌姿黯無語魂夢

西風端的此心苦遙想芳臉輕顰凌波微步鎮
輪與沙邊鷗鷺

又聞

思

一窗閒孤燼冷獨自箇春睡繡被熏香不似舊
風味靜聽滴滴簷聲驚愁攪夢更不管庾郎心
醉念芳意一併十日春寒梅花燠顛賴懶做
新詞春在可憐裏幾時挑菜踏青雲沉雨斷盡
分付楚天之外

江城子

代作

綠叢籬菊點嬌黃過重陽轉愁傷風急天高
雁不成行此去郎邊知近遠秋水闊碧天長
郎心如妾妾如郎兩離腸一思量春到春愁秋
色亦淒涼近得新詞知口怨妾無訴泣蘭房

生查子

并詠

野泉春吐芽泥溼隨飛燕碧澗一盃羹夜韭無
人剪玉釵和露香鵝管隨春軟野意重慙慙

持以君王獻

又

芙蓉羞粉香倚竹窺煙霽眼帶楚波寒骨豔春
風醉誰傳側帽情想解遺鞭意紅葉可憐秋
不寄相思字

又

史輔之席上歌者
贈雲頭香乞詞

蓬萊一捻雲徹骨龍涎染風味韻而芳笑語柔
而婉花嬌綠鬢寒酒凝清歌怨翠幄已煙穠

銀燭重休剪

又

本

春籠雲潤香露溼青蛟瘦偷學漢宮粧舞徹霓
裳後 酥胸紫領巾冰剪柔荑手有意入羅囊
不肯成春酒

又

飛花澹澹風被暝疎疎雨香潤玉堦塵翠溼紗
窗霧 鈿箏離雁行寶篋留釵股唯有鳳樓魂

夜夜江南路

又

梅次韻

香驚楚驛寒瘦倚湘筠
算一笛已黃昏片月尤
清楚沉沉冰玉魂
漠漠煙雲浦酸淚不成彈
又向春心聚

解連環

柳

露條煙葉惹長亭
舊恨幾番風月愛
細縷先宰
輕黃漸拂水藏鴉
翠陰相接纖軟風流
眉黛淺

三眠初歇奈年華又晚繁絳遊蜂絮飛晴雪
依依滿橋怨別正千絲萬緒難禁愁絕悵歲久
應長新條念曾繫花驄屢停蘭楫弄影搖晴恨
閒損春風時節隔郵亭故人望斷舞腰瘦怯

又

春水

浪搖新綠漫芳洲翠渚雨痕初足蕩霽色流入
橫塘看風外漪漪皺紋如縠藻荇縈迴似留戀
鴛飛鷗浴愛嬌雲蘸色媚日接藍遠迷心目

仙源漾舟岸曲照芳容幾樹香浮紅玉記那回
西洛橋邊濺裙翠傳情玉纖輕掬三十六陂錦
鱗渺芳音難續隔垂楊故人望斷漫愁千斛

燭影搖紅

別浦潮平遠村帆落煙江冷征鴻相喚著行飛
不耐霜風緊雲意垂垂未定正慘慘雲橫疎影
酒醒情緒日晚登臨淒涼誰問行樂京華軟
紅不斷香塵噴試將心事卜歸期終是無憑準

寥落年華將盡誤
玉人高樓凝恨第一休負西
子湖邊江梅春信

憶秦娥

棲鳥驚隔窗月色寒於冰
寒於冰澹移梅影冷
印疎櫺
幽香未覺魂先清
無端勾起相思情
相息情惱人無睡
直到天明

又

舟中
書事

歌聲闌蘭舟只隔芙蓉灣
芙蓉灣扇搖波影風

捲雲鬟 餘音嫋嫋留飲歡雙鴛飛處傳情難
傳情難曲終人去愁寄湖山

清平樂

秋葉

盤枝剪翠葉葉西風意吹上玉人雲鬢底無限
新涼氣味 飄蕭露捲煙柔絕憐不逐宮流寄
語多情宋玉悲秋得似宜秋

又

春滿雨溼燕子低飛急雲壓前山羣翠失煙水

滿湖輕碧 小蓮相見灣頭清寒不到青樓請
上琵琶絲索今朝破得春愁

夏漏子

玉簫閒清韻咽人倚西欄愁絕雲惱月月羞雲
半溪梅影昏 恨春風蕭散後夜夜數殘夏漏
情悄悄思依依天寒一雁飛

東風第一枝

爲梅
溪壽

玉潔生英冰清孕秀一枝天地春早素盟江國

芳寒舊約漢宮夢曉溪橋獨步看灑落仙人風
表似妙句何遜揚州最惜細吟清峭香暗度
照影波渺春暗寄付情雲杳愛隨青女橫陳夏
憐素娥窈窕調羹雅意好贊助清時廊廟羨韵
高只有松筠共結歲寒難老

又

壬戌立春日訪
梅溪雨中同賦

燒色回清水痕縱白嬌雲先釀酥雨縱寒不壓
葭塵應時已鞭黛土東君入夜怕預惱詩邊心

竹屋癡語

十八

汲古閣

緒意轉新無奈吟魂醉裏已題春句
香夢醒
幾花暗吐綠睡起幾絲偷舞酒陪清惜重斟菜
甲嫩憐細縷玉纖綵勝願歲歲春風相遇要等
得明日新晴第一待尋芳去

山花子

嫋嫋天風響珮環鵲橋有女夜乘鸞也恨別多
相見少似人間銀浦無聲雲路渺金風有信
玉機閒生怕河梁分袂處曉光寒

浣溪沙

遮坐銀屏度水沉
障風羅幙皺沉金
日遲宮院靜
悄悄
繁杏半窺紅
日薄小憐低唱綠窗深
試拈犀管寫春心

又

魂是湘雲骨是蘭
春風冰玉注芳顏
誰招仙子在人間
濺水裙兒香霧皺
唾花衫子碧雲寒
洞簫聲絕却
驂鸞

竹屋癡語

汲古閣

又

偷得韓香惜未燒
吹簫人在月明橋
草芳似待玉驄驕
吹絮繡簾春澹澹
隔香羅帳夜迢迢
楚魂須著楚詞招

又

雲外峰巒翠欲埋
雨沾黃葉溼青鞋
小鷺春色入寒苔
風月愁新空雁宇
神仙夢冷憶鸞釵
淒涼不是好情懷

又題湖樓壁

一色煙雲澹不消
兩峰眉黛爲誰嬌
春寒猶占木蘭橈
燕子似甘愁
寂寞海棠未肯醉
妖嬈小園嫩約尚蕭條

蘭陵王

爲十年故人作

鳳簫咽花底寒輕
夜月蘭堂靜
香霧翠深曾與
瑤姬恨輕別
羅巾淚暗疊
情人歌聲怨切
慙勤意欲去
又留柳色和秋爲重折
十年迥淒絕

念髻怯瑤簪，衣褪香空，雙鱗不度煙江闊。自春
來人見水邊花外，羞倚東風翠袖怯。正愁恨時
節，南陌阻金勒，甚望斷青禽難倩。紅葉春愁，
欲解丁香結。整新歡，羅帶舊香官篋。淒涼風景，
待見了，更何說。

又

春雨

酒塵閣鞦韆，天垂似幕。春寒峭，吹斷萬絲溼影。
和煙暗簾箔。清愁曉來覺。佳景惜惜過却。芳郊

外翼恨燕愁不管秋千冷紅索
行雲楚臺約
念今古凝情朝暮如昨啼紅溼翠春情薄謾一
犁江上半篙堤外勾引輕陰趁算角正孤緒寂
寞
斑駁止還作聽點點簷聲沉沉春酌只愁
入夜東風惡怕催教花放趁將花落溟濛煙草
夢正遠恨怎托

水龍吟

雲意

舊家心緒如雲乍舒乍卷初無定西郊載雨東

竹屋癡語

二十一

汲古閣

城隔霧還開晴景愛惱花陰喜移月地朦朧清
影任無心有意溶溶曳曳蕭散處有誰問朝
暮如今難准枉教他慣春人恨遠峰依舊前蹤
何枉有時愁凝此興飄然不妨吹斷一川輕暝
待良宵再入高唐夢裏覓巫陽信

又

爲放翁詩

道山玉府真仙去年再履論息地西清禁域香
淙名重年高身退玉振金聲水增川湧德兼才

貴愛知章引去安單穩駕軒冕付談笑外 蘭
玉孫枝競秀奉親歡萊衣同戲蓬萊東接苧蘿
西顧三山聳翠賜杖清朝命堂綠野放懷高致
似太公出將衛公入相爲蒼生起

又

爲夢
卷壽

夜來曾跨青虬海風嫋嫋吹襟袖蓬萊誤入羣
仙爭問劉郎安否玉塵冰壺日庭星角孕成竒
秀看丹分寶鼎錄傳秘篋聞重寄長生酒 歸

夢驚回晚漏正長庚輝纏南斗祥開華且菊香
秋杪張黃霜後筆掃龍蛇句裁螭錦俊才誰右
看功勛繡袞家聲再振數千齡壽

聲聲慢

元夕

壺天不夜寶炬生香光風蕩搖金碧月灩水痕
花外峭寒無力歌傳翠簾盡捲誤驚回瑤臺仙
跡禁漏促拚千金一刻未酌佳夕捲地香塵
不斷最得意輸他五陵狂客楚柳吳梅無限眼

邊春色鮫綃暗中寄與待重尋行雲消息乍醉
醒怕南樓吹斷曉笛

隔浦蓮

七

銀灣初霽暮雨鵲赴秋期去淺月窺清夜涼生
一天風露纖巧雲暗度河橋路縹緲棄鸞女正
容與西廂舊約玉嬌誰見私語柔情不盡好
似水綃雲縷回首天涯又怨阻無語西風魂斷
機杼

竹屋癡語

汲古閣

思佳客

秋扇

入手西風意已羞，不須玉斧爲重修。撲螢涼夜，
沉沉月障，面清歌澹澹秋。休棄置，且遲留，可
憐又向篋中收。莫教暗損柔鬢，女漢殿淒涼萬
古愁。

又

題太真出浴圖

寫出梨花雨後情，凝脂洗盡見天真。春從翠髻
堆邊見，嬌自紅綃脫處生。天寶夢，馬嵬塵，斷

魂無復到華清恰如佇立東風裏猶聽霓裳羯鼓聲

又

有約湖山却解襟晝眠占得一庭深樹邊風色
寒滋味愁裏年華雁信音驚楚夢聽瑤琴黃
花尙可伴孤斟斷雲萬一成疎雨却向湖邊看
晚陰

又

竹屋癡語

二十四

汲古閣

剪翠衫兒穩四停最憐一曲鳳清吟同心羅帕
輕藏素合字香囊半影金春思倩畫窗深誰
能拘束少年心鬪來驚碎風流膽踏動櫻桃葉
底鈴

又

立秋前一日西湖

不肯樓邊看画船載將詩酒入風煙浪花濺白
凝飛鷺荷葉藏紅似小蓮醒醉夢喚吟仙先
秋一葉莫驚蟬白雲鄉裏溫柔遠結得清涼世

界緣

又

中秋後一日借月意

白玉樓臺知幾重
夜來望斷廣寒宮
一分乍闕
嬋娟影二八
尤宜冰雪容
雲鬢露口釵
風水晶簾幙
正玲瓏
慙勤再爲天香醉
可惜清光付
曉鐘

永遇樂

次韻吊青樓

淺暈修蛾
脆痕紅粉
猶記窺戶香
斷奩空塵生

砌冷誰喚青鸞舞春風花信秋宵月約歷歷此
心曾許啣芳恨千年怨結玉骨未應成土木
蘭艇子莫愁何在謾繫寒江煙樹事逐雲沉情
隨佩冷短夢分今古一盃遙夜孤光難曉多少
碎人腸處空淒黯西風細雨盡吹淚去

玲瓏四犯

水外輕陰做弄得飛雲吹斷晴絮駐馬橋西還
繫舊時芳樹不見翠陌尋春問著小桃無語恨

燕鷺不識閒情却隔亂紅飛去
少年曾失春風意到如今怨恨難訴
魂驚冉冉江南遠煙草愁如許
此意待寫翠牋奈斷腸都無新句
問甚時舞鳳歌鸞花裏再看仙侶

御街行

賦簾

香波半窳深深院正日上花陰
淡青絲不動玉鈎閒看翠額輕籠
蔥蒨鶯聲似隔篆煙微度
愛橫影參差滿
那回低挂朱欄畔
念悶損無人

卷窺春偷倚不勝情彷彿見如花嬌面纖柔緩
揭瞥然飛去不似春風燕

又賦

輪

藤筠巧織花紋細稱穩步如流水踏青陌上雨
初晴嫌怕溼文鴛雙履要人送上逢花須住纔
過處香風起 裙兒挂在簾兒底更不把窗兒
閉紅紅白白簇花枝恰稱得尋春芳意歸來時
晚紗籠引道扶下人微醉

霜天曉角

春情

春雲粉色春水和雲溼試問西湖楊柳東風外
幾絲碧望極連翠陌蘭橈雙槳急欲訪莫愁
何處旗亭在画橋側

又

爐煙浥溼花露蒸沉液不用寶釵翻炷閒窗下
嫋輕碧醉拍羅袖惜春風偷染得占取風流
聲價韓郎是舊相識

又

九日
蘇堤

霜清水碧冷浸紅雲溼休說季倫錦帳山南岸
夏花密 露滴空翠繁兩峰開霽色不爲穠粧
一醉西風帽爲誰側

眼兒嬌

輕雲終被斷雲留不肯放春愁翠樓舊倚粉墻
重見歌酒風流 今朝畢竟吟情澹芳意未全
酬東風向晚鶯花有意吹轉船頭

卜算子

泛西湖坐間寅坐同賦。○花菴作春晚

屈指數春來，彈指驚春去。檐外蛛絲網落花也，
要留春住。幾日喜春晴，幾夜愁春雨。十二雕
窗六曲屏，題遍傷春句。

西江月

小舫半簾山色，斷橋兩岸秋陰。芙蓉消息已愁
深。紅染雲機翠錦。幾度煙波共酌，半生風月
關心。飛來鷗鷺是知因。一笑歌邊醉醒。

點絳脣

天外青鸞幾時常向人間住
斷歌零舞月上欄
陰暮 顛顛潘郎不解爲花主
知何處夢雲愁
雨怕向西樓去

又

釣月蓬間載詩却向旗亭醉
翠蒲陰外莫放雙
鷗起 水佩仙裳洒落煙雲意
來相試玉綃新
製要寫蓬壺記

踏莎行

九日
西山

水減堤痕秋生屐齒瘦筇喚起登高意翠微煙
冷夢淒涼黃花香晚人顚顚 懷古風流悲秋
情味紫萸勸入旗亭醉玉人相見說新愁可憐
又溼西風淚

又

花染煙香柳搖風翠春工寫出清明意翠灣還
趁画船開粉墻到處驕驄繫 歌喚紅裙酒招

青旆吟情又許春風醉何妨日日爛芳遊今宵
先向西城睡

戀繡衾

碧梧偷戀小窗陰恨芭蕉不展寸心暗語近陽
臺遠奈秋宵砧斷漏沉月明欲教吹簫去隔
驂鸞空留怨音從此是天涯阻這一場愁夢更
深

風入松

春晴

捲簾日日恨春陰寒食新晴馬蹄只向南山去
長橋愛花柳多情紅外風嬌日暝翠邊水秀山
明 杜郎歌酒過平生到處蓬瀛醉魂不入重
城曉穠歡寄桃葉桃根繡被嫩寒清曉鶯聲喚
醒春醒

又 聞鄰女
吹笛

粉嬌曾隔翠簾看橫玉聲寒夜深不管柔荑冷
櫻朱度香噴雲鬟霜月搖搖吹落梅花簌簌驚

竹屋癡語

三十

浣古閑

殘 蕭郎且放鳳簫閒
何處驂鸞靜聽三弄霓
裳罷魂飛斷愁裏關山三十六宮天近念奴却
在人間

南鄉子

賦十
四絃

直柱倚冰絃曾見胡兒馬上彈
却笑琵琶風韻古濺濺
想像湘妃水一簾
寒恨曲中傳兩摺
琴絲費玉纖不似江南風月好
厭厭拍手齊看舞袖邊

洞仙歌

題真

輕痕淺暈偷染春風面恰似西施影兒現擬新粧臨鑑一段天真閒態度長恁香嬌玉軟從今懷袖裏不暫相離似笑如顰在舒卷願芳容不老只似如今嬌不語無奈情深意遠便雨隔雲疎暫分攜也時展丹青見伊一見

柳梢青

柳

翠拂晴波煙垂古岸瀾橋春色斜帶鴉啼亂紫

鶯夢愁絲如織 爲憐張緒風流正瘦損宮腰
褪碧綻綰同心留連不住天涯行客

少年遊

草

春風吹碧春雲映綠曉夢入芳煙軟襯飛花遠
連流水一望隔香塵 萋萋多少江南舊恨翻
憶翠羅裙冷落閒門淒迷古道煙雨正愁人

訴衷情

西樓楊柳未勝煙寒峭落梅天東風渡頭波晚

一棹木蘭船
花態度酒因緣
足春憐屏開山
翠雨怯雲嬌
盡付愁邊

夜行船

剪水天風吹醉醒
高樓外凍雲愁凝袖口香寒
歌喉春暝不管雁邊寒緊
瓊屑瑤花飛碎影
應須待玉田千頃
小約梅英教吟柳絮春在繡
紅鴛錦

滿江紅

擊碎空明滄浪晚棹歌飛入西山外紫霞吹斷
赤塵無迹飛上冰輪涼世界喚回天籟清肌骨
看驪珠影墮冷光斜蛟龍窟長嘯外綸巾側
輕露下織絳溼聽洞簫聲在臥虬陰北千萬江
妃留醉夢二三沙鳥驚吟魄任天河落盡玉盃
空東方白

醉江月

靈岩
吊古

萬岩靈秀拱崇臺飛觀憑陵千尺清磬一聲簾

幕冷無復宮娃消息響屨廊空採薺徑古塵土
成遺跡石閒松老斷雲空鎖愁寂 車籠誰比
輕顰楚腰吳豔一笑無顏色風月荒涼羅綺夢
輸與扁舟歸客舞闌歌殘國傾人去青草埋香
骨五湖波淼遠空依舊涵碧

謁金門

煙墅暝隔斷仙源芳徑雨歇花梢魂未醒溼紅
如有恨 別後香車誰整怪得画橋春靜碧漲

平湖三十頃，歸雲何處問。

留春令

淮南道中

斷霞低映小橋流水，一川平遠。柳影人家起炊煙，髣髴似江南岸。馬上東風吹醉面，問此情誰管。花裏清歌酒邊情，又何日重相見。

又

粉綃輕試綠裙微褪，吳姬嬌小，一點清香著芳魂。便添起春懷抱。玉臉窺人，舒淺笑，寄此情。

天渺酒醒羅浮角聲寒正月挂南枝曉

又

玉清冰瘦洗粧初見春風頭面等得黃昏月溪
寒愛顧影臨清淺 歷盡冰霜空羞怨怨粉香
消減江北江南舊情多奈笛裏關山遠

又

玉妃春醉夜寒吹墮江南風月一自情留館娃
宮在竹外尤清絕 貪睡開遲風韻別向杏花

竹屋癡語

三十四

汲古唐

休說角冷黃昏豔歌殘怕驚落胭脂雪

太常引

玉肌輕襯碧霞衣似爭駕翠鸞飛羞問武陵溪
笑女伴東風醉時不飄紅雨不貪青子冷淡
却相宜春晚湧金池問一片將愁寄誰

浪淘沙

杜鵑
花

啼魄一天涯怨入芳華可憐零血染煙霞記得
西風秋露冷曾浼司花 明月滿窗紗倦客思

家故宮春事與愁賒
冉冉斷魂招不得
翠冷紅斜

意難忘

代贈

仙子竒容是名花第一美
占春風煙香籠淺罩
露靚浥芳紅
憐舞燕惜鶯鴻
想獨步吳宮料認
得嬌雲媚雨來自巫峰
風流正與歡濃羨高樓並倚
曲影攔東燭
搖留醉枕塵墜戀歌鍾
三弄笛五花驄
莫行樂匆匆
但看取天長地久笑

竹屋癡語

三十五

汲古閣

語相逢

雨中花慢

柳拂西風客應漢星行參玉節征鞍緩帶輕裘
爭看盛世衣冠吟倦西湖風月去看北塞關山
過離宮禾黍故壘煙塵有淚應彈文章俊偉
穎露囊鋒岩動萬里呼韓知素有平戎手段小
試何難情寄吳梅香冷夢隨隴雁霜寒立勛未
晚歸來依舊酒社詩壇

八歸

重陽前一
日懷梅溪

楚峯翠冷吳波煙遠吹袂萬里西風關河迥隔
新愁外遙憐倦客音塵未見征鴻雨帽風巾歸
夢杳想吟息吹入飛蓬料恨滿幽苑離宮正愁
黯文通 秋濃新霜初試重陽催近醉紅偷染
江楓瘦筇相伴舊遊回首吹帽知與誰同想萸
囊酒醖暫時冷落菊花鼓兩疑佇壯懷立盡微

雲斜照中

午
疑吾

汲古閣

瑞鶴仙

筇枝

一枝蒼玉冷愛露節霜根從他孤勁提攜遠塵
境自清癯骨力歲寒心性登臨助興甚偏與芒
屨相稱笑葛洪陂外騰飛渺渺水間煙迥尋
勝撥開林影斷破苔痕緩支幽徑分雲度嶺待
隨處問梅信任香挑村醕寒抱夜月識盡江山
好景扣禪關拗折歸來萬緣自靜

宥王初草堂集不多選入如玉蝴蝶坊刻竟逸去

又如杏花天思佳客請作混入他人先輩多拈出此
既時本主誤陳造序云高竹屋典史梅溪皆周秦
之詞所作要是不經人道謔其妙處少游美成去
未及也湖南毛晉識

竹屋癡語終